

I. N. J.

DE

19.

JURAMENTO AMBITUS

ET

REPETUNDARUM,

ex l. fin. C. ad L. Jul. Repetund.

SUB PRÆSIDIO

DN. HENRICI **Vindens**/JC^{tl},

Sereniss. Duc. Palatino-Solisbac.

& Inclut. Reipubl. Norib. Consilarii,

Pand. Prof. Publ. nec non Facult. Jurid.

h. t. DECANI,

DN. PRÆCEPTORIS SUI *omni observantia*
cultu prosequendi,

in alma ALTDORFFINA

d. Septemb.

ANNO M DC XCV.

Publice disputabit

A. R.

BENJAMIN HENRICUS **Schwarz**/

Dresd. Misi.

Excudebat HENRICVS MEYERVS, Universitatis Typographus.

2

OTIUM ARI

PUTIA

DEPT. D. D. D.

DEPT. D. D. D.

DEPT. D. D. D.

DEPT. D. D. D.

DEPT. D. D. D.

DEPT. D. D. D.

DEPT. D. D. D.

DEPT. D. D. D.

EXORDIVM.



Multos admodum, eorūq. varios, ambiendi atq. postulandi officia astutia humana excogitatos esse modos, tam notum est, quam notissimum, ut adeo prolixiori evolutione non indigeat. Eapropter vel tribus solum indicasse sufficiat verbū, hos omnes esse partim licitos, partim etiam illicitos, quod jam olim agnovit

eloquentia Romana Princeps, Cicero, scil. in Orat. contra Salust. Ad licitos prater ambitum, quem Cicero cit. loc. popularem esse perhibet, dum quū precibus, observantia, acceptū pro Republica vulneribus, operam suam Reipublica offert, iudiciumq. de se faciendum populo permittit, quam maxime pertinet ista ambiendi ratio, quando sufficienti doctrina ac peritia rerum instructus se suag. studia Principi aut Superiori offert, vel ipso Apostolo teste, dum. 1. Tim. 3. vers. 1. inquit: Si quis Episcopatum desiderat, bonum opus desiderat &c. quibus verbis non peccare eum innuit, qui propter dona, sibi divinitus concessa, ut DEO atq. proximo inserviat, modeste suam Ecclesia atq. Reipublica spondet operam. Quare hunc conatum haud improbandum esse dicit Myler. ab Ehrenbach in Hyparcholog. cap. 7. §. 7. Wann / etz se habent verba ipsius formalia, ein Lands-Kind seinen Fürsten / Herrn / oder Obrigkeit seine Dienste anerbietet / weilen er nunmehr den Jahren / seine Studia ziemlich weit gebracht / sich hin und wieder in Amts: oder Regiments-Geschäften geübet / und seinen Vaterlande / vor andern / zu dienen verbunden sey. Imo prudentiores antiqui in Reipublica administratione hoc Ambitionis genus necessarium fuisse putarunt. Nam, ut Tacitus Lib. XI. Annal. c. 22. testatur, apud Majores id virtutis primum fuerat, cunctisq. civium,

vium, si bonis artibus fiderent, licitum, palam petere magistratum, ac ne atas quidem distinguebatur; Juvenibus siquidem concessum erat ad summos honores aspirare, toga candida circumire populum, singulorumq. animos captare, ac virtute contendere. Vid. hanc in rem Sveton. in Aug. cap. 38. Quinimo ob honorem decretum aut decernendum Republica ac Patrici aliquid promittere, scq. non tantum prece, sed etiam pretio munera publica à Principe, aut ab eis, qui clavum Republica tenent, Jure Romano postulari potuisse, ex l. 3. ff. de Pollicit. l. 19. pr. ff. d. Donat. alijsq. textibus sat abunde liquet. Moris namq. fuit, ut ambientes munera publica, aut honorem, ad ludum gladiatorium, spectaculum, aut ad aliud quodcunq. opus publicum pecuniam promitterent, ac pollicitatione offerrent, quam postmodum Republica quasi debitam exigebat, per d. l. 3. & 6. ff. de Pollicitat. Equidem hanc pollicitationem, ob honorem decernendum Principi factam, inter leges abrogatas recenset Simon à Grœnweg. ad tit. ff. de Pollicit. n. 6. ex eo, quod pecuniâ hoc modo vendatur, quod virtutis premium esse debet; Ipsi tamen haud improbabiler contradicit Myler ab Ehrenbach cit. cap. 7. §. 11. & seqq. Siquidem in Rege aut Principe non locum habet Lex Julia de Ambitu, quippe qui est dominus officiorum; Neg. hac pollicitatio correptivam inducit obligationem, ut Princeps aut Republica ad honorem decernendum aut minus committendum hoc modo obligetur, sed unilateralis & univocæ potius est, quâ libero Superiorum arbitrio relinquit, num pollicitanti spartam quandam concedere velint, nec ne, Joh. Cöppen. lib. 2. Obs. 136. n. 3. Egregia sunt, quæ hanc in rem proponit Petr. Æroder. Rer. jud. lib. 9. tit. 6. c. 2. sequentibus verbis: Veruntamen antiqui cum ambitum damnarunt, non gratiam, atque observantiam damnaabant. Non id agebatur legibus, ut suffragatio, ut officiosa amicitia, ut gratia tolleretur. Semper fuerunt boni Viri (inquit Cicero) qui apud tribules suos gratiosi esse vellent. Neque tam durus

durus in plebem Ordo Senatorius fuit, ut eam coli modica liberalitate nollet. Ipsam adeo legem, ne cui album vestimentum addere petitionis causa liceret, abiisse in desuetudinem. Ipse Marcellinus Imperator statuit, ut qui Coss. fieri vellent, nihil aeris in populum spargerent: pecuniam certe statutam ad reparandum urbis aquædûdum, dependerent, inquit Marcellinus Comes in Chronico. Hæc verò reprehendebantur: decuriatio tribulium, descriptio populi, suffragia largitione devincta: si mercede corrupti obviam candidatis issent: si conducti sectarentur: si gladiatoribus vulgo locus tributus, si prandia vulgò data essent: contra leges factum videbatur. Ista enim revera coitiones, conjurationesq; esse adversus rempublicam, quæ neque honorum adipiscendorum causa licent. Declaratione hac supposita hodiernum, nostrum præcipue temporibus, quibus Respublica propter bellicæ cladis variis premitur oneribus, haud prohibitum aut improbatum erit, ipsi aut patria ob honorem consequendum aliquid polliceri aut promittere, quamvis rariora istius sollicitationis occurrant exempla. Illiciti modi iterum latissime se diffundunt, atq; peraguntur non tantum per mercaturam suffragiorum, pretio factam, quam sæpius comitatur sumi venditio, dum vana spe & promissionibus officium ambientes lætantur; (Fumus siquidem ac per fumum vendere idem est, ac per vanitatem vendere, cum quis acceptis muneribus illa pollicetur à Principe, quæ aut præsare non possit, aut etiam nolit, unde prodit dictum Imperatoris Alexandri: Fumo pereat, qui fumos vendidit.) Sed etiam per nundinationes honorum, quas tamen hætenus Gallia atq; ad ejus imitationem nonnulla alia admiscrunt Respublica, bene an male, ex frequentibus patebit. Vid. interim cum Zyp. lib. 1. de Jud. c. 32. n. 5. Mornac. ad l. 1. C. d. Offic. Mag. offic. Jacob. Zevecot. in not. ad Flor. c. 12. aliq. Dn. Tabor ad l. un. C. de Suffrag. peric. 4. §. 28. deniq; aliis illicitis & improbatis artibus,

bus, quarum infinita serè extant exempla, quæ eo ipso accumul-
lantur, dum haud pauci per suis & nefas ad honores & officia
grassantur, erogata quoque hanc in rem notabiliore summâ pecu-
niæ, ad cujus refarcitionem postmodum in officiis publicis consti-
tuti summa miscent iniis, indiscreta munera accipiunt, adeoque
Ambitum cum Repetundarum accumulunt crimine. Ad hæc
itaque perniciofa Reipublica delicta arcenda ac vitanda, optimâ
remedii loco Juramentum Ambitusatque Repetundarum
jam olim receptum fuisse legimus, ut eo ipso, tanquam vinculo,
constringantur omnes, qui ad officia publica assurgunt. Deque
hoc Juramento specimine hoc Academico brevissimis dicturi su-
mus, ita quidem, ut primo generalia ad Ambitum atque Repe-
tundas spectantia proponantur, indeque existentia hujus Juramenti
deducatur, ejusque definitio præmittatur, postea iustitia istius
evolvatur, idque tandem specialiter per suas partes & causas expli-
cetur. Faxit DEVS, ut eventus correspondeat voto.

CAPVT I.

Generalia ad Ambitum & Repetundarum cri-
men pertinentia præmittit, indeque Existentiam
hujus Juramenti deducit, ejusque
Definitionem proponit.

SVMARIA.

§. 1. Ambitus ab ambiendo & circumcundo nomen accepit, Dignitatis autem
gratia populum ambire olim erat licitum, ubi quibus modis congerit.
§. 2. Ritus hujus ambitus perstringit Cicero, & varis quoque contra eum
succedivè promulgatæ fuerunt leges, §. 3. In statu Imperatorio L. Jul. d. Am-
bi. cessasse dicitur. Mæstus, quod quomodo factum, hoc §. explicatur, per-
mansit tamen nomen & crimen Ambitus. §. 4. Contra quod postmodum
varis prodierunt Constitutiones, scilicet l. i. C. Theod. ad L. Jul. de Ambit. Et pen.
C. si cert. pet. §. 5. quibus non refragatur l. un. C. de Suffrag. quæ non loqui-
tur de ambitu, nec ad eum pertinet cinctio Militiæ. §. 6. Denique nostra
l. ult. C. ad L. Jul. Repet. & Nov. §. 7. Quia in d. l. ult. fit mentio etiam crimi-
nis Repetundarum, ideo de eo quoque agitur, & additur, id quoque vocari
Barattariam, ubi, unde Barattaria dicitur. §. 8. L. ult. C. ad L. Jul. Repet. au-
torem habet Theodosium juniores, Cur autem Valentiniano consorti in-
scribitur, ex observantia Imperatorum, de quâ hic agitur, æstimandum.

§. 9. Con-

§. 9. Contextus d. l. ult. continet tres partes, quæ recensentur. §. 10. Ejus minorem repetitum *Justinianus*, in *N. v.* 8. ejus contenta æque ac elogia recensentur. §. 11. Plures officii *Præsidum* partes in d. *N. v.* proponuntur, quibus adjicitur Juramentum ab illis præstandum, cujus formula, quæ horrenda fere est, consideratur. §. 12. Ex antecedentibus deducitur existentia hujus Juramenti, ubi de ejus denominatione, juramento in genere, atque definitione hujus Juramenti.

§. 1.

Ambitus verbum, ab ambiendo dictum, quid significet, ex *Etymo* sat cognosci & intelligi potest. *Am* enim pro *circum* Veteres usurpabant, adeoque *ambire* pro circumire dicebant. Cum ergo eorum, qui honores petebant, partes in prensando consisterent, quod sine circuitu fieri haud poterat, hoc verbo quævis dignitatum petitio denotari coepit, eo, quod ambire populum solerent earundem candidati. Vid. *Anton. Matthæi* ad lib. 48. ff. tit. 11. num. 1. atque *Ziegler. in Dicastr. sive de Offic. Jud. conclus. 7. §. 1.* Ambire autem populum dignitatis acquirendæ gratia olim non erat illicitum, nisi leges violarentur. Omnis siquidem petitionis ratio posita erat in *Amicorum* & *Populi* voluntate concilianda. Et quidem *Amici* vocabantur non solum illi, qui aliquâ necessitate conjuncti erant, sed & qui aliquid in candidatos ostendebant voluntatis. *Prioris* generis erant cognati, affines, sodales, vicini, collegæ, contribules, clientes, municipes: *Posterioris* salutatores, deductores, sectatores, suffragatores, quibuscum omnibus ita agere debebat candidatus, ut sentirent studia sua ipsi gratissima esse. *Populi* studia conciliabantur nomenclatione, blanditiis, assiduitate & benignitate. Nomenclatione, ut homines nosset candidatus, & suo quemque salutaret nomine, quem in finem servi nomenclatores dabantur: *Blanditiis* in eo consistebat, ut & frons & vultus candidati, nec non sermo ad quorumcunque sensum & voluntatem commutaretur, quod, etsi ceteroquin vitiosum & turpe est, in hac petitione tamen necessarium habebatur: *Assiduitatis* erat, non solum esse Romæ, atque in foro, sed & in conciliabulis Italix, in quibus cives negotiandi causa versabantur, eosdemque comiter appellare, nec quicquam committere, ut quis se contentum quæri posset: *Benignitas* denique consistebat in conciliando populo congiariis, prandis, gladiationibus exhibendis ac præmiis dividendis. Ex quibus priora omnia extra poenam erant, postremum verò, nempe divisio pecuniarum & suffragio

fragiorum emptio lege vindicabatur. Vid. *Anton. Mattb.* ex eoque *Da. Ziegler. cit. loc.*

§. 2. Sed hæc conveniebant populo Romano seculo tali, quo in adulationes atque assentationes propendebat. Quapropter prius istos non solum plus simplice vice perstringit *Cicero in Orat. pro Muren.* aliisq; a *Ziegl. cit. concl. 4. §. 8.* adductis locis; Verum etiam, cum nec in hoc ambiendi genere delinquendi cessarit ratio, multæ Leges de ambitu fuerunt latæ, quas enumerant *Sigonius* & alii, inter quas haud postrema fuit *Julia*, sive à *Julio Cesare*, sive ab *Octavio Augusto* lata, uterque enim de Ambitu tulit legem. Fuit autem promulgata contra eos, qui non palam, sed clam, corruptis, sive per se sive per adlupulatores, suffragiis, aut conductâ turbâ honores ambierunt. Hæcque maxime necessaria fuit, quoniam, prout *Varro, Cesaris a'p'p'p'p'*, testatur, tanta ea tempestate honorum cupiditas plerorumq; animos ita invasit, ut vel cælum ruere exoptarent, dummodo magistratum adipiscerentur.

§. 3. Postquam verò ad curam Principis magistratuum creatio pertinere coepit, in urbe Româ Legem Juliam de ambitu cessasse dicit *Modestin. in l. un. ff. ad L. Jul. de Ambit.* non quod non amplius deinceps venderentur officia, aut in monarchico-Statu nulla occurreret illicita honorum petitio, sed quod non amplius per suffragia populi eligeretur magistratus, sed potius à Principe, adeoq; cessaret singularis ista per ambitum popularem seu ambitionem captatio favoris popularis. Alioquin Imperatorum temporibus honores ita venales facti sunt, ut abjectissimi quoque ad eos promoverentur, quod comprobatur exemplum *Bargæ*, *Laodiceni* cujusdam, à *Zosimo lib. 5.* relatum, qui, cum venditor sarciminum extitisset, ad illam mox dignitatem pervenit, ut inter primates palatii militaret. Hocque non tantum, corruptis illis Principum temporibus contigit, quibus volentibus Principibus dignitates venales exstebant, sed etiam tùm, cum Principes id non permitterent. Fuerant siquidem varii Principes hoc crimine immunes; sed eodem maxime infecti erant Consiliarii, aliive, qui multum apud Imperatores valebant, quorum suffragia & intercessiones sæpius ingenti redimebantur pretio. Quo magis itaque Principum & Imperatorum quis palatinis & ministris suis se concedidit, & obnoxium reddidit, eo magis vitium hoc vires acquisivit & incrementa habuit. Perman-

sic itaque nomen Ambitus, quamvis parum æstimetur favor populi, quem ambire olim oportebat.

§. 4. Ut ergo pernicioso huic malo obicem ponerent, atque exolam suffragatorum redemptionem inhiherent, novis constitutionibus, quibus antiquas de Ambitu leges renovarent, opus esse censuerunt optimi quivis Principes. Et quidem *Arcadium ac Honorius* Impp. ut alias constitutiones anteriorum Imperatorum taceamus, confiscatione bonorum, nec non exilio, & cœptum & perfectum Ambitum punire voluerunt in l. 1. C. *Theod. ad l. fal. de Ambit.* cum leges pari sorte scelus & sceleris cœreant voluntatem. vid. uberius *Jac. Gottofr. in not. ad d. l.* Illam constitutionem, quæ anno Christi 397. promulgata fuit, post decennium, anno sc. 408. excepit alia, *Honorio & Theodosio* Autoribus, quæ in l. *pen. C. Just. Si cert. pet.* proponitur, in qua is, qui judici fœnebrem pecuniam mutuavit, quasi emtor legum atque provinciæ, vel si quis collectarius honoris pretium dederit ambienti, exilii poenâ unâ cum ipso iudice plectitur, cujus legis sententiam cum assequi non potuisset *Claud. Salmas.* more suo ausus est lectionem integri textus corrumpere, & in tract. *de Usur. c. 5. pro versatur, legere servatur*, alio plane sensu, quam interpretationem tamen, tanquam ineptam, adductis variis hanc in rem argumentis rejicit *Tabor ad l. un. C. de Suffrag. peric. 4. §. 26.* Equidem hanc legem plane non de Ambitu accipiendam esse censet *Anton. Matth. de Crimin. Tit. de Ambit. c. 1. num. 4.* propterea, quod titulus de suffragio statim subjungatur, qui nundinationem talem permittere videtur, quare eandem ita explicat: *Præsidem exilio plebii, non idèò, quod ambieris hanc spartam, sed quod pecunia collectarii Præses factus, se & honorem suum quodammodo collectario manciparit*; Rectius tamen eam ad Ambitum spectare, inq; illa honores cum potestate conjunctos emercari prohibitum esse, docet *Tabor cit. §. 26. Add. Cujac. ad Nov. 8.*

§. 5. Quod verò in l. *un. C. de Suffrag.* quam propterea apertam sanctionem aulicam *Arius Pinell. ad l. 1. C. de bon. matern. p. 3. num. 64.* atque constitutionem aulicam *Francisc. Duaren. lib. 2. Annivers. c. 21.* nominant, Imper. Theodos. constituit, id, ut bene observavit *Jacob. Gottofred. ad d. l. un.* non accipiendum est de honorum suffragiis, seu de suffragatoribus pecunia mercandis, quippe de quibus jam aliter cautum fuerat in *C. Theod. imediate antecedente constitutione, sed de desiderii aliis nominatim explican-*

dis, idque non solum vocabulum desiderii ostendit, sed etiam exinde colligere licet, quod nulla in d. l. un. fiat mentio iudicum aut magistratuum & eorum ambitus. Dabantur præterea militibus, h. e. officia, quæ emi & vendi poterant, ut patet ex l. § 2. §. 2. ff. de *Aff. emt.* l. 22. de *Leg. 2. l. fin. C. de Pignor.* § Nov. § 3. c. 5. sed quæ potestate destituebantur. Propter ista verò suffragatoribus aliquid promittere non prohibitum, nec legi de ambitu contrarium fuisse videtur. Vid. post Brunner. de *Collat. Matth. Stephan. ad Nov. § 3. c. 5.* aliosq; plures Interpretes *Dn. Lauterbach. in Tract. Synopt. de legak. five tacit. bypoth. tb. 66.* Non igitur ab his desideriis, & licitis circa ea suffragiis, argumentari licet ad dignitatum aliarum & potestatum collationes, ac si etiam hæc per quandam veluti mercaturam conferri possint. Hinc & merito ab objecto suffragiorum licitorum excipit Labor. cit. loc. functiones civiles cum potestate conjunctas.

§. 6. Denique post annos triginta alia constitutio, à Theodosio & Valentinianno anno C. 439. promulgata, prodit, quæ in l. ult. C. ad l. Jul. Repetund. sequentibus proponitur verbis: *Sancimus, ejusmodi viros ad provincias regendas accedere, qui ad honoris insignia non ambitione vel pretio, sed probæ vite & amplitudinis tue solent testimonio promoveri: ita sane, ut quibus hi bonores per sedis tue vel per nostram fuerint electionem commissi, jurati inter gesta depromant, se pro administrationibus sortiendis, neq; dedisse quippiam, neq; daturos unquam postmodum fore, sive per se sive per interpositam personam in fraudem legis sacramentiq; aut venditionis donationisve titulo aut alio velamento cuiuscumq; contractus: Et ob hoc (exceptis solis solatiis) nihil penitus tam in administratione positos, quam post depositum officium pro aliquo præfito beneficio tempore administrationis, quam gratuito mernerant, accepturos &c.* Quæ constitutione primitus cautum fuit, ut Iudices ac Magistratus in exordio suscepti officii de ambitu non commissio atque muneribus non accipiendis jurarent, si ve promitterent, se pro officio acquirendo nihil, neque per se, neque per alios, dedisse, aut promisisse, nec etiam, præter salarium, ab ullo quicquam vel durante officio vel deposito, pro eo, quod gratias præstare debent, accepturos, vid. Brunnem. ad l. ult. C. ad l. Jul. Repet. n. 1. § 2. Consimilem post annos pene centum, Christi sc. § 35. Imperator Justinianus edidit constitutionem in Nov. 8. quæ sancivit, ut Præses futurus, aut ille, cui administratio committitur,

tur, conceptis verbis vel coram ipso Principe, vel coram ejus delegato, vel coram Metropolitano & Primatibus provinciæ juraret: Se nihil cuiquam vel munerum vel patrocinii nomine dedisse aut promississe; gratuitum quoque Magistratum se puris manibus administraturum, & contentum fore annonis ac stipendiis ex publico sibi constitutis atque assignatis, quod prolixius legi poterit in *Nov. ipsa*, ad quam videri possunt *Jacob. Cujac. Conrad. Rittersbus. Matth. Stephan. & alii*. Atque ex his omnibus jam ratio coercendi hanc pessimam nundinationem, ab Imperatoribus tam sæpius reiterata, assatim apparet.

§. 7. Quia tamen juramentum in cit. *L. ult. C. ad L. Jul. Repet.* æque ac *Novell. 8.* criminis repetundarum vitandi mentionem facit, idè de eo quoque brevissimis notandum erit: *Repetundarum* vocari à repetendo, quod judicio hoc repetundarum socii populi Romani pecunias sibi ereptas repetierint, id quod *Cicero in Divin.* sequentibus comprobat verbis: *Quasi verò dubium sit, quin tota lex de pecuniis repetundis sociorum causa constituta sit. Nam Civibus cum sint erepte pecunie, civili fere actione & privato jure repetuntur.* Fuit autem Lex Julia de hoc delicto imprimis magistratum provincialium gratia lata; nec tamen propterea excluduntur urbani, cum *Pennel.* in l. 6. §. 2. ff. ad *L. Jul. Repet.* testetur, *Lex Julia cautum esse, ut magistratus ab omni forde abstineant.* Sic ergo generaliter eo teneri cœperunt, quicumque in magistratu, potestate, curatione, legatione, vel quo alio officio, munere, ministeriove publico constituti, aliquid acceperunt, quo magis aut minus officium facerent. l. 1. l. 3. & segg. ff. ad *L. Jul. Repet.* Est enim crimen repetundarum scil. pecuniarum, vel de pecuniis repetundis, quando in officio quis fordide quid accipit, ut aliquid decernat, vel magis aut minus officio suo satisfaciatur. Lata est hæc lex *Jul. de Repetundis* non tam ab *Augusto*, quàm potius à *Jul. Cesare*, à quo nomen Legis Julię accepit, uti apparet ex rubr. d. *L. Jul. Repetund.* testatur quoque id *Cicero in Orat. pro Sext. jung. Gothofred. in not. ad Tit. ff. de L. Jul. Repetund.* Quamquam & ante eam de hoc crimine varias leges, & quidem *Calpurniam, Atiliam, Serviliam, Liviam, Porciam, Juniam & Cæciliam* promulgatas fuisse, ex *Cicerone* aliisque liqueat, de quibus post *Sigon.* videri possunt *Collig. Argent. ad L. Jul. Repetund. tb. 1. Theodor. in Collig. Crim. cap. o. aph. 1. n. 1, atq. Rosin. Antiquitat. Rom. lib. 8. cap. 30.* Judex porro ac Ma-

gistratus, qui hoc crimen committit, ac pecunia corruptus iniquam proferententiam, *Barattariam* committere dicitur, eo, quod justitiam, quæ est anima civitatis, barattet, sive permutet. *Farinac. Præc. Crim. qu. 111. n. 1. ibiq. plures.* Unde quoque *Barattaria* pro crimine repetundarum accipitur, ut testatur *Dn. Lynker. de Baratt. c. 1. §. 1.* Est vero vocabulum barattare, teste *Tiber. Decian. Intr. Crim. lib. 8. cap. 33. n. 9.* vocabulum barbarum, quod idem significat ac commutare, sive permutare, non à variare, uti quidem nonnulli volunt, sed à pariare, sive paria facere. Utenim res permutentur, quantum fieri potest, æquari ac parari debent. Vid. *Orsiv. Ferrar. in Orig. lingu. Ital. verb. Barattare.* Quoniam verò in permutandis mercibus fraudes subinde committuntur, ideo barattare vel barare pro decipere postea sumi cepit, tandemque pro venditione judiciorum, justitiæ & honorum. *Ferrar. cit. loc.* Hoc respectu *Barattaria* idem est ac *deceptio* & *dolus*, & Barattiere deceptor vel depostor. *Speidel. in Spec. hoc verb.* Barattariam itaque dicitur committere judex, quando justitiam cum pecunia commutat, maxime si accipiat pecuniam, ut aliter judicet, quam oportet. *l. 3. ff. ad L. Jul. Repet. Dn. Lynker. cit. loc.*

§. 8. His præmissis, quoad nostram *l. ult. C. ad L. Jul. Repet. brevissimis* notandum erit, ejusdem conditores & autores, prout ex antecedentibus liquet, esse *Theodosium* atque *Valentinianum*, Imperatores. Est vero hic *Theodosius junior*, qui *Valentinianum*, *Johanne Tyranno* cæso, in consortem Imperii recepit, proptereaque *A. C. 425.* iter in Italiam meditatus est, ut *Valentinianum* Augustum declararet, Italosque in obsequio confirmaret, sed *Thessalonicam* profectus, morbo, ne longius progrediretur, impeditus Constantinopolim redire coactus est. *Valentinianus* verò, recepta ab *Helione*, Magistro officiorum & Patricio, urbe Româ, Ravennam primo, mox Romam ipse ingressus est, ubi Augustus creatus & Imperatoria veste à prædicto *Helione* indutus fuit *10. Kal. Nov. A. C. 425.* cujus rei plures testes adducit *Jacob. Gotbofr. in Chronol. Cod. Theod. ad d. annum Domini 425.* Sic itaque *Honorio Occidentis Imperatore*, anno Domini 423. mortuo, *Theodosius* solus rerum potius est, mox tamen *Valentinianum* consortem Imperii recepit, hacque ratione nostra *l. ult.* utriusque Imperatoris nomen præfert, quæ tamen, si res gestas horum Imperatorum intueamur, non tam *Valentiniano* Imperatori, quam soli *Theodosio* adscribenda est, idque probat quo-

quoque rubrica; siquidem *Florentius*, ad quem data est, *Præfector Prætorio Orientis* fuit, quod comprobatur *Nuv. 1. de Theod. Cod. autor.* quæ æque ac aliz Theodosii Novellæ *Florentio* inscriptæ reperiuntur. Prodiit autem hæc nostra l. ult. *Constantinopoli Anno Dni 439.* proximo scilicet anno post confirmatum Codicem Theodosii, quibus duobus annis *Florentius* fuit Præfectus Prætorio Orientis, ut testatur *Jacob. Gothofred. in Chronol. Cod. Theod. sub fin.* Quod verò *Valentiniani* nomen insimul huic constitutioni præpositum legamus, id ex observantia Imperatorum æstimandum. Moris quippe olim erat, ut cum plures eodem tempore, divisim quamlibet imperii partibus, imperarent, atque adeo, etsi ab uno tantum Imperatore revera scripta lex esset, ex æquo tamen omnium nomina præferret; quomodo etiam in operibus publicis omnium Imperatorum nomina inscripta reperiuntur, etsi opus ab uno tantum positum esset. Cuinam tamen in specie lex tribuenda sit, cognosci debet ex *Magistratu*, ad quem lex dirigitur, ex *provincia*, *diacepsi* vel *civitate*, cujus in lege fit mentio, & denique etiam ex loci subscriptione, ubi lex data, accepta, vel propolita fuit, quod nudæ curiositatis neutiquam est, verum etiam singularem usum præstat, ut docet *Jacob. Gothofred. in Prolegom. Cod. Theod. cap. 8.*

§. 9. In ipso contextu Imperator constituit, ut ad provincias regendas non admittantur illi, qui ambitione & pretio ad eas aspirant, sed qui probatæ vitæ testimonio promoventur, juxta *Jethronis consilium* Moysi datum de constituendis judicibus *Exod. cap. 18. vers. 21.* qui non quemlibet ex promiscuâ hominum fece ad judicandi munus vult evehi, sed viros timentes Deum, sapientes, & qui oderint avaritiam. Hi tamen, sive ab Imperatore ipso fuerint electi, sive à Præfecto Prætorio constituti, inter gesta jurati depromere, i. e. juramento judicialiter præstito asserere coguntur, se pro administrationibus sortiendis nihil dedisse, neque daturus unquam esse, sive per se, sive per interpositam personam, in fraudem legis sacramentique, aut venditionis, donationis alteriusve contractus titulo, vel velamento: Cui capitulo aliud annectitur, quod scilicet exceptis *solatiis* sive *salaris*, nihil accipere velint, etiam post depositum officium. Tandem subjicitur fulmen publicæ accusationis contra dantem & accipientem, adjunctâ quadrupli poenâ ei irroganda, qui delicti convictus fuerit. Licet enim neminem Divini timoris contemnendo jusjurandum immemorem arbitren-

trentur Imp. ut salutis propriæ illum commodum anteponat, tamen ad hunc salutis metum etiam necessitatem periculi adjungere voluerunt. Unde patet, hujus Constitutionistres esse partes, in quarum prima continetur, quinam ad provincias regendas atque honoris insignia accedere debent, in altera parte, quale juramentum ab ipsis exigatur, in tertiâ denique parte subjicitur poena eorum, qui contra hoc juramentum delinquant. Vid. ad b. l. *Salicet. atq. Bald.*

§. 10. Constitutionis hujus tenorem, prout jam antea innuimus, repetiit Imper. Justinianus in cit. Nov. 8. inque ea inter alia constituit, quod Præses futurus, cujus verbi appellatione generali omnes continentur, qui Præsidum funguntur vice, vel coram Principe, ejusque delegato, vel coram Episcopo & Primatibus provinciarum, conceptis verbis jusjurandum præstare debeat, se nihil cuiquam vel muneris vel patrocinii nomine dedisse, aut promisisse, gratuitum quoque Magistratum puris manibus administraturum, & contentum fore annonis ex publico sibi constitutis, qui insignis est locus, prohibens, ne magistratus sint venales, neve suffragia dentur, aut promittantur, id est pecuniæ honores adipiscendi causa, ut rite hoc explicat Cujac. ad init. d. Nov. 8. Adducit quoque Imperator sacrarum literarum testimonia, de avaritia omnium malorum matre, atque ita etiam incommodorum, quæ secum trahit magistraturum venalitas. Hac verò constitutione nihil præstantius in hoc genere promulgari potuisse, quivis fatebitur, omninoque beatæ essent Republicæ, si ad ipsius præscriptum gubernatores eam administrarent. Hinc non solum Imperator ipse eam tanti aestimavit, ut in templis inter sacra vasa, tanquam *donarium* sive anathema quoddam, assevari voluerit; Sed & verissime prædicat Henricus Agylem, dignam esse, quæ grandiusculis literis, & quidem aureis exaretur, eoque affigatur in loco, ubi in conspectu principum virorum semper esse queat: dignamque esse, ut principes viri eam à primâ ætate manibus apprehendant, & nunquam, quamdiu in vivis sunt, de manibus deponant, sed perpetuo meditentur: quam denique solum ex omni Philosophia assumant in exemplum gubernationis.

§. 11. Cæteroque plures partes officii Præsidum sive quorumlibet Magistratuum, qui rempublicam administrant, ordine proponit Imperator Justinianus, quæ ad certa capita memoris erit retulit Rittershus. ad Nov. P. 2. c. 1. n. 13. & seq. in quas conceptis
verbis

verbis solenniter jurare jubentur *sub fin. diſ. Nov. in tit. Jusjurandum*, omnes illi, qui adminiſtrationes ſuſcipiunt. Formula ipſius horrenda fere eſt, per ſanctam quoque & glorioſam Dei genericam, per quatuor Evangelia, & per ſanctos Archangelos, Michaellem & Gabrielem, praſtanda, unde deducit *Dn. Strauch. Diſſ. ad Jus Juſſu. 25. apb. 24.* juramentum non ſolum nominato Deo, ſed & aliis rebus praſtari poſſe, exemplum Veteris, tum novi Teſtamenti docere, quam ob cauſam ad *Grot. d. J. B. & P. lib. 2. cap. 13.* provocat, & *Apoſt. ad Hebr. c. 6. verſ. 13.* teſtimonii cauſa adducit, tandemq; addit: Eccleſiam ſeculi ſexti non improbaſſe formulam jurisjurandi, quæ habetur *in d. Nov. 8. tit. ult.* publice quantumvis receptam & omnibus notiſſimam. Sed enim verò, quamvis ad juramenti eſſentiam in genere non neceſſaria ſit *expreſſi Dei nominatio*, quod nemo unquam negavit, ad minimum tamen *implicita* accedere debet. Nullum enim eſt juramentum, in quo Deus non invocatur ut teſtis & vindex, ſive explicite, ſive implicate. Vid. *Pufendorff. de Jure Nat. & Gent. lib. 4. c. 2. ſ. 3. atq; Dn. Lauterbach. in trath. Synop. de Jurament. tb. 21.* inque dicto juramento *Nov. 8.* expreſſa invocatio Dei & Sacro Sanctæ Trinitatis habetur, licet, poſtquam cultus Angelorum & Sanctorum in Eccleſia Romana receptus fuit, & per eos juramenta praſtari ceperint, quæ ratio eſt, quod non ſolum beatæ Virginis, ſed etiam Archangelorum in formula hujus juramenti ſit facta mentio. Vid. *Dn. Thomaf. ad Strauch. cit. loc. atq; Struv. ad tit. ff. de Jurjur. tb. 8.*

§. 12. Ex his omnibus jam exiſtentia hujus Juramenti, & quod id ipſum Leges noſtræ diſertis verbis approbent, ſat abunde apparet. Vocatur autem *juramentum Ambitum* non committendi, ſed potius vitandi, hocque reſpectu etiam *Repetundarum* ſc. pecuniarum, Germanice à quibusdam *der Præſtictet. Eyd / ſumto verbo Præſtos* in ſenſu prohibito & illicito, quod quis conteſtari debeat, ſe non per praxin illicitam, ambitum & nundinationem officiorum, ad honores atque functiones adſpiraffe. Quid verò juramenti vocabulo alioquin intelligatur, notus eſt, quam ut ulteriori indigeat evolutione, ſc. quod ſit *actus religioſus*, quo quis in alicujus enunciationis majorem fidem Deum invocet, tanquam ultorem & vindicem. Juramentum enim eum in finem interponitur, ut enunciationi major fides concilietur, alter ſecurior reddatur, atque jurans ad aſſerti veritatem & promiſſi praſtationem eo magis adſtrin-

stringatur, idque sub periculo amittendæ gratiæ divinz. Quare ille solus ad minimum implicite est invocandus, qui est omnipotens & omnipotens, ita quidem, ut invocetur tanquam vindex & ultor mendacii & perfidiz, si jurans falsum asseveraverit, aut promissum non impleverit, prout ex *Thumm. aliisq.* solide deduxit *Lauterbach. in tract. Synop. de Juram. lib. 1. 20. § seq.* Ex quibus jam sequens hujus Juramenti formari potest definitio, quod *Juramentum hoc Ambitus & Repetundarum sit actus religiosus, quo is, qui ad functionem publicam assumitur, in hujus enunciationis majorem fidem, quod pro officio acquirendo neq. per se neq. per alium quicquam dederit, nec etiam in functione, præter salarium & consuetas sportulas, aliquid accipere velit, invocât Deum, tanquam ultorem & vindicem, si falsat. Vel: quod sit religiosa asseveratio, quod pro officio acquirendo quis nihil per se, vel per alios dederit, vel promiserit, nec etiam in officio præter salarium ejusq. accidentia permitti quicquam accipere velit, facta per invocationem Dei in testem. De quâ definitione ex Capite subsequenti tertio ulterius constabit. Sequitur nunc, Ordine sic suadente,*

CAPUT II.

Justitiam Juramenti Ambitus evolvens.

SUMMARIA.

- § 1. In disquisitione circa Justitiam hujus Juramenti proponuntur rationes eorum, qui venditionem officiorum secularium innoxiam esse dicunt. §. 2. Ephrematibus tamen & cautelis certis hanc venditionem temperant, quæ recensentur. §. 3. Sed moraliter hæc venditio nec Justitiam convenit, nec etiam expedit. §. 4. Nec porro declarationes additæ venditionem istam licitam faciunt. §. 5. Venditione officiorum improbatæ, multo magis Ambitus improbandus erit, quia invitæ potius quam ambigentibus respublice concedenda. §. 6. Maxime verò in beneficiis Ecclesiasticis hoc crimen, quod Simonia vocatur, vitandum, ubi: juxta non nullos venditione officiorum secularium Simoniam quoque perpetrari. §. 7. Obstât quidem Juramento Ambitus inter cætera hoc, quod absque Juramento isto severioribus remediis Ambitus coerceri, & hoc modo perjurium evitari possit. §. 8. Sed respondetur hisce dubiis, ac demonstratur, inter remedia contra corruptiones Officialium hoc Juramentum principem obtinere locum, maxime si & de Barattaria conceptum reperitur. §. 9. Hæc enim Jure Divino speciatim reprobata est.

§. 1.

FUndata Existentiâ hujus juramenti, ut jam ejusdem *Justitiæ* paulo penitius intueamur, Ordinis ratio suadere videtur, cum non

non solum varii Politici & Juri, sed etiam haud pauci Casilæ, quos
Don Garf. Azzill de Magistrat. lib. 1. c. 20 allegat, interque eos
Thomas de F. o, Cardinalis Cajetanus, in Summ. verb. Officiorum secularium venalitas, speculative loquendo, venditionem functionum secularium innoxiam esse censcant, propter varia, quæ in talibus officiis considerari possunt: vel ratione eminentiæ supra exteras res, quæ pretio æstimabiles sunt: vel ratione excessus iusti stipendii; Stipendia enim officiorum, maxime præcipuorum, auctiora esse solent, quam præcisè ex Iustitia deberentur, quod ad splendorem Principum & dignitatum amplitudinem pertinere dicunt, ut vel ratione illius excessus in stipendio vendi queant: vel ratione tituli, qui in hanc nundinationem deducitur: vel denique ratione opportunitatum licitarum augendi rem domesticam suoque promovendi, & externos quoque permultos sibi honeste obstringendi. Hæc omnia, rem per se spectando, officia secularia negotiationi subicere posse & solere dicunt, si publica id requirat necessitas. Hancque sententiam probat quoque *Job. Azor. Instit. Moral. p. 2. lib. 11. cap. 7.* qui officia in bonis & patrimonio Regum atq; Superiorum contineri docet, ut proinde ea jure vendere possint, licet non expediat. Et sane *Azyl. ab Ehrenbach in Hyparchol. cap. 7. §. 23. n. 44.* pro hac officiorum nundinatione, ex hypothesi horum Doctorum, multa adducit argumenta, præcipue quod Rex, aut alius, jura Superioritatis habens, nec Jure Divino, nec Naturali vel Gentium prohibeatur officia temporalia juxta bene placitum, secundum utilitatem Reipublicæ, distribuere, test. *Bart. Bald. aliq. Dd. ad l. 3. ff. de Offic. Prætor. cum Jure naturæ sit dominus officiorum in regno aut territorio suo ex mente Thom. adeoque, vi supremæ jurisdictionis, quoad provincias suas fundatam habeat intentionem in creandis Officialibus, ac, juxta suam voluntatem & utilitatem Reipublicæ, distribuendis muneribus publicis, quorum dominium aut proprietas ipsius, non alterius est, arg. cap. un. 2. F. 56.*

§. 2. Quia tamen hæc Officiorum nundinatio Principis auctoritati quam maxime adversari videtur; Idcirco eandem quibusdam ephrematibus atque cautelis temperare solent. Et quidem primo requirunt, ut vendens officia habeat vendendi potestatem, quæ vel apud Principem, vel etiam apud Rempublicam pro diversitate Status est, quoniam officia publica sunt bona reipublicæ, ut

proinde eorum distributio sit supremi Principis, aut Domini territorialis, vel etiam Reipublicæ: *secundo*, ut Superior, quantum fieri potest, officium publicum digniori vendat, alias enim si venderit inepto, contractus rescindi, & Princeps officium retinere, pretium verò acceptum restituere debet: *tertio*, ut hæc venditio fiat pretio moderato, ne suppeditetur anfa emtori, ut multa inique in restitutionem pretii soluti extorqueat: *quarto* denique, ut hæc officiorum venditio fiat ex magna necessitate, cui alia commodiori via subveniri haud potest. Ita publica Reipubl. calamitas Venetos, quorum Statum publicum Ludovicus XII. bellis gravissimis premere cœpit, adegit, ut ad conquiritas pecunias varia officia & munera venalia præscriberent, qui modus magnam pecuniæ quantitatem Reipubl. intulit, teste *Bodin. de Republ. lib. 6. c. 2.* Gallæ quoque Regum venditiones officiorum tam judiciale quam quæstuariorum colore summæ necessitatis defendere conantur nonnulli Scriptores. Sed enim verò horum provenitum dulcedine inductus *Franciscus I. Rex Gallie*, venditionem officiorum publice, absque ulla necessitatis restrictione, ordinariis redditibus recensuit, sicque publice venum exposuit, atque unicuique plus offerenti concedidit, juxta exemplum *Augusti*, qui teste *Sæton. in ejusd. vita cap. 37.* ut plures administrandæ Reipublicæ partem caperent, nova excogitavit officia.

§. 3. Verum, quicquid etiam declarationis gratia proponant, *Joh. del Castillo* tamen hanc controversiam ita decidit, *speculative* quidem loquendo licitum esse officia & munera temporalia vendere, & hoc ex ipsorum naturâ, cum sint in bonis Regum & Superiorum: *Moraliter* autem loquendo, & venditiones horum officiorum ad *justitiam & usum practicum* reducendo, non expedire nec convenire Superioribus, in officia publica vendantur, cum sint distribuenda dignioribus, non turgentibus pecunia, nec concessum sit Principi, ut officia vendat, sed ut dignioribus conferat, vel ut inter æque dignos distribuat. Quapropter etiam *Vilajæ. de Judic. persic. rubr. 1. annot. 3. §. 3. n. 12.* Siq. venditionem munerum de Jure, Divino, Naturali & positivo prohibitam esse dicit, quæ jura Principem quorq. absolutum in conscientia ligare censet, ut illis contraveniens non jure agat. *AAL. 10. de Just. lib. 1. q. 6. art. 7. Barbosa. ad c. 1. de Constit. n. 6. B. neckenbach. ad Seraphin. de Privil. Juram. privil. 146. n. 3.* Siquide. n. honoris augmentum non ambitione sed

sed labore ad unumquemque convenit devenire, per l. 14. C. de remilit. atque huic munerum venditioni reiragatur ipsum Regis officium, cui Reipublicæ subditorumq; commodum quærere ante omnia incumbit: cedit præterea in Imperantis maximum dedecus: est Reipublicæ deterrima pestis, ac subditorum gravissima afflictio, contra *Nov. 86. cap. 8.* Insuper probrosa est, nam qui pecuniâ ad honores & administrationem Reipublicæ perveniunt, illi plus privatæ quam publicæ rei consulunt. *Recht in Polit. Axiom. 28.* Quapropter omnes ferè divinarum & humanarum legum Professores officiorum nundinationes improbant, & ipsorum venditores execrantur. Sic *Paris de Puteo* avaritiam, malorum omnium radicem, animabus judicum inhærere dicit, si officia iustitiæ vendantur, de *Syndic. tit. de offi. Syndic. vers. Dicitur n. 1.* atque corlatiores quivis detestantur Gallix mores depravatos, quod perpauci, imo fere nulli in hoc Regno inveniantur ministri, qui officia, etiam jurisdictionis administrationem habentia, præfenti pecunia non fuerint mercati, sicut & ipse *Bodln.* hanc nundinationem increpat *lib. 6. Polit. c. 2.*

§. 4. Neque nundinationem hanc licitam faciunt declarationes in ante. edentibus propositæ. Nam Judices & Magistratus inter cives constituti non hominis, sed Dei exercent iudicium, ut recte eos admoneat *Josaphat: Sit timor Domini vobiscum, & cum diligentia cunctis facite, non est enim apud Deum iniquitas, nec personarum acceptio, nec cupido munerum, Lib. 2. Paralip. 19. vers. 7.* qui textus quidem de ipsa muneris executione accipiendus est, applicari tamen non minus potest ad primam officii susceptionem, quod & hæc vacua esse debeat ab omni iniquitate, & commercio ementis & vendentis. Nec enim in timore Domini versari aut sanctum & intemeratum iudicium retinere potest, qui emta nititur dignitate, & officii initium turpissima polluit *degradatione.* Turpe præterea est civitati & Reipublicæ, si patiatur circa dignitates eas imprimis, quæ sanctitate præ cæteris eminere debent, fæda exercere commercia, quia Magistratus & officia publica virtutum, non opum & divitiarum præmia esse debent. Excipiunt quidem dissidentes casum extremæ necessitatis, inque eo, modico interveniente pretio, venditionem hanc permittunt, inculpabile enim judicatur, quod necessitas intulit, per *caa. 7. caus. 30. qu. 1. §. cap. 6. de R. J.* Sic etiam bona alias alienari prohibita in casu necessita-

tis alienari possunt, l. 21. C. de SS. Eccles. Nov. 120. cap. 10. quia necessitas secum trahit dispensationem. Verum necessitas ista minuit quidem non tamen statim tollit reatum & delictum, maxime si vendantur in casu necessitatis officia, quæ circa juris & justitiæ administrationem versantur. Equidem officia ipsa non sunt uniusmodi, atque quædam ita sunt comparata, ut facilius præcipue tempore necessitatis commercium recipiant: Quædam tamen id omni tempore respuunt, quæ scil. justitiæ administrationem adjunctam habent. Justitia enim ab omni *Philagoria* procul abesse debet, & hinc etiam officium, quod de illa administranda in litutum est. Plura huc scientia vid. apud *Myler. ab Ebr. enb. ch. cit. c. 7. §. 44. & mult. seq. & Da. Ziegler. de Off. Jud. cons. 4. 7. §. 5. & seq.*

§. 5. Quod si jam hæc venditio officiorum publica bonis moribus & legibus contraria est, ut præter dicta quoq; cum allegatis DD. asserit *Tabor. de Suffrag. peric. 4. §. 28.* multo magis improbandus erit Ambitus, per quem corrumpuntur suffragia illoque, quibus a Principe vel Republica data est potestas eligendi Officiales. Nam ea quoque, quæ quoad Ambitum, apud Romanos permittum, populo seculo tali, quo in adulationes & assentationes propendebat, conveniebant, viro honore digno haud congrua sunt, sed pravissima potius reputantur, ut loquitur *Cicero in Orat. pro Muræ.* adeoque multo minus Christianum hominem decent. Peccat igitur, qui Romanorum exemplo ambit & curstat, qui illecebris, obsequio, assidua compellatione, aut iteratis precibus Patronorum & Collatorum favorem aucupatur, qui suffragia emendicat, quique nihil omnino omittit, quod ad gratiam sibi comparandam & viam ad futuram spartam sternendam quovis modo facere aut conducere videtur. Virtute ambire oportet, inquit *Plaut.* non favitoribus. Sat habet favitorum, qui recte facit. Ipse quoque, cui ita conferitur officium, quàm maxime suspectus redditur, quod non videatur bona intentione munus petere. Hincq; locum regiminis desiderantibus negandum, surgentibus verò offerendum esse dicit *Gratian. in c. in scripturis. 9. caus. 8. q. 1.* Expedit liquidem Reipublicæ Invitis magis quam ambientibus gubernacula concedere, & invitos non ambientes in Republica collocandos esse, dixit *Alexander Severus Imperator.* Vid. *Philipp. Knipschild. de Jur. Civit. Imper. lib. 2. c. 8. n. 114. & seq.*

§. 6. Quæ verò de venditione functionum Civilium jam dicta sunt, multo magis ad *Sacerdotia & beneficia Ecclesiastica* extendi debent. Horum namque commercio, si scilicet pecuniis datis comparentur, non ambitum in genere, sed speciale crimen *Simonie* committi dicunt Canonistæ, quod à Simone Mago, Spiritum Sanctum pretio mercari volente *Act. 8. vers. 18.* nomen accepit, eamque in tantum reprobant Canones, ut *mentalem* quoque rejiciant Simoniani, quæ continet solum pactum implicitè subintellectum, ac proposito committendi Simoniam peragitur, nec non eam, quæ continet *munus à lingua & obsequio, præstatum. 11. q. caus. 1. q. 1.* per quod preces, laudes, commendationes apud Superiorem, nec non servitia & obsequia, sub obligatione beneficia Ecclesiastica conferendi, præstanda intelliguntur, de quibus ut & objecto Simonie, scilicet spirituali, ac spirituali annexa, turgent ferme Moralistarum ac Canonistarum libri, dum Simonie habem in tantum extendunt, ut eam quocumque peremptionem & venditionem civilium officiorum committi credant, propterea, quod iudex civilis non hominum, sed Dei dicatur iudicium exercere. 2. *Paralip. 19. vers. 6.* Petr. Gregor. *Theol. lib. 36. Syn. c. 29. n. 15.* Sed de his aliisque ad materiam Simonie spectantibus vid. *Asple. Navarr. in Man. Gullelm. Redoan. in tract. de Simon. Petr. Suav. in Hist. Concil. Trident. lib. 5. atq. Ziegler. de Jur. Anst. lib. 1. c. 41. §. 53.* ubi declarationibus adhibitis & dispensandi potestate Pontifici concessa Canonistas emplantum *invenisse* dicit, quo vulnus Simonie lenire & curare queant. Sed de his alibi. Merito proinde *juramentum Ambitus* introductum esse videmus.

§. 7. Voluit equidem non nemo haud ita pridem asserere, populi salutem non ab hujus Ambitus juramenti futurâ, sed potius inde dependere, ut suam libertatem contra exteriorum potentiam tueatur, & prospiciat. ne publica Reipubl. bona & redditus in privatum vertantur commodum, hocque imperium maxime populare principaliter intendere; Statutum verò Ambitus circa civitatem se tantummodo habere, ut accidens, quod notorie abesse. & sine hoc, cæteris paribus, Rempublicam feliciter administrari posse, præsertim cum seculo hoc depravato juramentum Ambitus pluribus exiguis sit curæ, ac teste *Gail. lib. 1. observ. 85. num. 4.* multi ne obolo quidem id sustineant, modo intentionis suæ metam obtineant. Quare contingere, ut, eo non obstante, officia publica quovis modo appetant, illaque dignioribus præripiant, vel maxime propter-

propterea, quod hoc juramentum post officium jam collatum solum præstare cogantur, quo casu militare videtur præsumtio, quod nullus malum commissum sponte, vel mediante advectione religionis, detecturus sit. Etsi ergo hoc juramentum abrogetur, nihilominus tamen civibus integram esse censeat, eligere ad senatoriam vel aliam dignitatem que nunquam velint, surrogata in hujus juramenti locum poena arbitraria atrociori, aut pecuniaria graviori, una cum exilimationis dispendio & muneris ademptione in eos, qui Ambitum commiserint: quibus, tanquam magis sensibilibus, remediis, modo adversus reos, hujus criminis confessos atque convictos, absque ulla remissione & respectu personarum, executioni mandentur, hoc delictum eo facilius supprimi, & frequentiora evitari posse credit perjury, de quibus ulro citroque publice privatimque variz subinde ducuntur querelæ, quibusque Deus, ob nominis sui sanctissimi temerariam profanationem, ad varias Rebuspublicis injiciendas plagas excitatur.

§. 8. Verum hæc ipsa, quod intendunt, neutiquam evincunt. Equidem necessarium est, ut Respublica suam libertatem contra externos tueatur, & prospiciat, ne redditus publici in commodum vertantur privatum, eo ipso tamen non excluditur alia subordinata Respublicæ cura, circa quam versatur hoc juramentum Ambitus, atque, quantum fieri potest, impedit, ne quis illicito modo ad functiones publicas adspiret. Licet ergo vel maxime in quibusdam Rebuspublicis usus hujus juramenti sit inognitus, res ipsa tamen, ne quis suffragis corruptis, aliisque artibus illicitis, munera publica ambiat, prohibita est, vel etiam prohibita esse debet. Nec porro id, quod unus & alter contra hoc juramentum peccet, ejus abrogationem statim inducere potest, alioquin tota juramentorum materia, cujus abusus infinitis fere perjuriis dat ansam & occasionem, abroganda esset. Et quamvis hoc juramentum post collatum demum officium præstetur; attamen de facto præterito concipitur, quod licito quis modo dignitates petierit, omnesque officium publicum ambientes ad honestatis terminos adstringit; sive naturalem appetentiæ stimulum, quem quisvis in honoribus adipiscendis subinde fovet, ad honestatis terminos redigit, tandemque efficit, ut promovendi æque ac promotores ab omni illicito studio in functionum collatione abstineant. Licet ergo largiamur & concedamus, quod hoc juramentum non solum, ubi receptum est,

est, abrogari, sed & nondum receptum à Superiore negligi queat, modo ambitus illicitus alioquin coercetur, atque ita puniatur, ut pessimum hoc malum è Republica excludatur; Nihilominus tamen haud diffidendum erit, quod inter remedia, contra corruptionem Officialium recepta, quam maxime emineat, ac principem obtineat locum. Et quia cum Jure Justiniano ad relicta-tem Reipublicæ receptum reperitur, haud facile immutandum aut negligendum est, præcipue si ita conceptum reperiat, prout à *L. nostra* fin. C. ad L. Jul. Repet. reperitur, ut Barattari quoque & munerum acceptioni obicem ponat, quæ non solum LL. positivis, sed & Divinis, nec non rationi Naturali & honestati repugnat.

§. 9. Non tantum enim invektivæ, quæ passim in *Jure Divino* inveniuntur, sed etiam severæ comminationes adjunctæ ad oculum demonstrant, quam adversa sint *Legi* divine munera judicibus data. Sic enim legitur apud *Isaiam* c. i. v. 23. *Principes tui infidelis: sicut furum: omnes diligunt munera* &c. atque apud eundem c. s. vers. 23. *qui iustificatis impium pro muneribus* & *iustitiam iusti auferentis ab eo*. Quare *Deut. 27. vers. 26.* maledictum vocatur, qui accipit munera, ut percutiat animam sanguinis innocentis. Quamvis verò reprehensiones istæ propheticæ eos concernant iudices, qui per fordes aut gratiam male judicant, & innocentem condemnant, ut secus esse videatur, quando iustitia non læditur, sed unicuique suum tribuitur & iusta pronuntiatur sententia, quod vel ipsa maledictio divina cit. loc. fac aperte innuere videtur, quippe quæ contra eum concepta est, qui propter munera innocentem condemnat ac opprimit, nec non David, qui *Psal. 15. vers. 5.* eum bestum prædicat, qui munera super vel contra innocentem non accipit. Non tamen inde concludi potest, haud peccare iudicem, qui munera accipit, etsi male forsitan non judicet. Est namque potissimum & sere perpetuus effectus, aut pedisequa munerum, quod iudex corruptatur, ut in ejus partes inclinet, à quo munera accipit. Generaliter quoque *Deus Exod. 23. vers. 8.* & *Deut. 16. vers. 19.* prohibuit, ne quis accipiat personam aut munera. addita ratione, quia munera exorcant oculos sapientum, & mutant verba iustorum. Solum ergo sufficit periculum & metus futuri mali, ne quis per acceptionem munerum in diversum rapiatur sensum, & ab eo, quod iustum est, declinet, cum fieri vix possit, ut incorruptus maneat, cujus oculis munera obversantur. Turpiter ergo agit iudex, si venalem se pro-

prostituat, atque iustitiam faciat mercenariam, quia teste *Cajetan.* ad *Exod. 23. vers. 8.* munera affectum mutant, atque efficiunt, ut, si non speculative, saltem practice videatur accipienti vel fovenda vel excusanda pars, à qua munera accepit. Et hæc de iustitia hujus Juramenti. Progredimur nunc ad

CAPVT III.

Juramentum Ambitus ejusque partes per causas suas resolvens.

S V M M A R I A.

- §. 1. Hæcenus dicta monstrant Originem hujus Juramenti fluere ex Jure Divino, tum quoad Barattariæ, tum quoad Ambitus crimen vitandum, ejus rei gratia adhuc adducitur ex *Syracde. 7. vers. 6.* §. 2. Juris positivi dispositio pertinet ad ejus determinationem, ubi additur, quomodo conveniat Juri Canonico, & quod Consuetudine probatum sit, quamvis non ubivis locorum exigatur de crimine Ambitus vitando, sed de solo Reperundarum. §. 3. Subiectum hujus Juramenti, & quibus illud inonibit, sunt per verba *d. l. ult.* Rectores Provinciarum, & per extensionem omnes *Magistratus.* §. 4. Per hoc Juramentum coërentur offerentes, & recipientes, qui tamen etiam Ambitum committunt; Tabor quidem cum aliis circa recipientes distinguunt, generaliter tamen eos per *ex L. Jul. d. Ambitu* obnoxios fieri, assertit *Myler.* §. 5. Obiectum hujus Juramenti sunt administrationes & crimina circa ea vitanda. Administrationum nomine intelliguntur officia, tum secularia, tum ecclesiastica, ubi quod circa posteriora crimine Ambitus sere in Ecclesiis Romanis in consuetudinem abiit, insimulque usus Protestantium adicitur. §. 6. Crimina sunt Ambitus & Barattariæ, sibi quasi subordinata, ubi quod extra salaria Judici non sit permittum munera accipere. §. 7. Excepti *Ulpian. in l. 6. §. 9. de Off. Procons.* Xenia, à quibus tamen rectius quoque abstinere Judex, utur annonas & sportulas constitutas licet petere & acceptare possit. §. 8. Forma hujus Juramenti, ubi additur, quod simul sit promissum & purgatorium. §. 9. Effectus hujus Juramenti recensentur. §. 10. Ad eum quoque pertinet pena propter Ambitum & Barattariam imponenda, quam subinde aggravat perjurium concurrens, ubi queritur: An durante lite quis ab administratione possit suspendi. §. 11. Inter remedia contra Ambitum & corruptiones Officialium optimum est hoc Juramentum, ejus usus quoad Barattariam vitandam propoitur, §. ult. Quoad Ambitum usus quidem rarior est, non tamen proflus abrogatus.

§. 1.

Hæcenus dicta iustitiam hujus Juramenti nostri sufficienter arguunt, insimulque, quod tum quoad crimen Barattariæ sive Repetundarum, tum etiam quoad Ambitum vitandum, in Jure æque

æque *Naturall* ac *Divino* sufficienter fundatum sit, abunde comprobant, quod quoad ambitum circa officium judicis adhuc evincit illud *Syracida. cap. 7. vers. 6. Noli querere fieri Judex, nisi valeas virtute irrumpere Iniquitates, ne forte extimescas faciem potentis & ponas offensionem in recte itinere duo*, quod *Lutherus* ita reddidit: *Laß dich nicht verlangen Richter zu seyn / denn durch dein Vermögen wirst du nicht alles Unrecht zu recht bringen / du möchtest dich entsetzen vor einen Gewaltigen / und das Recht mit Schanden fallen lassen/ ubi Syracidas duo esse dicit, quæ judicis officium inauspicatum reddere, & inordinatum ejus appetitum temperare possunt: Rerum gerendarum difficultatem, & potentiorum, cum quibus res est, vim atq. auctoritatem, ob quæ non tam quærendum, quam potius, ubi invito commissum fuerit, cum pavore id ipsum suscipiendum esse docet. Multi namq. falso sibi persuadent, inquit *Lucas Osiander ad Iustum Syracida. locum*, si ipsis *Reipublicæ* administratio committeretur, se omnia prava correcluros: at longe difficilior est *Reipublicæ* gubernatio, quam quisquam credat. Multi etiam bono quidem animo & studio promovendæ justitiæ ad rempublicam accedunt, sed quando vident, potentiores quosdam bonis ipsorum conatibus resistere, & res injustas moliri, non audent refragari: metuunt enim, ne potentiorum odia incurrant, & sibi periculum creent, ut adeo magnum & heroicum, imo prorsus invictum animum justitiæ & reipubl. administratio requirat.*

§. 2. Quæ vero *Jure positivo* de hoc Juramento, atque delictis per illud evitandis, proposita reperiuntur, ad determinationem ejus pertinent, ut honestatis ac moralis æquitatis terminis sepimentum aliquod addatur, hocque vinculo externo homines, alioquin in Ambitionis & Repetundarum crimen proclives, ab hoc delicti genere arceantur. In *Jure* equidem *Canonico* de eodem disertis verbis nihil dispositum reperitur, ea tamen, quæ de *Simonîa* amplioribus terminis in hoc *Jure* proposita reperiuntur, illud satis superque comprobant, præcipue cum in dubio nulla inter *Jus Civ.* & *Can.* sit statuenda differentia, *arg. cap. 1. §. de Nov. op. nunciat.* De *Consuetudinis* suffragio etiam haud dubitandum erit, cum alioquin certissimum sit, quod is, qui lege nicitur *Justinianeâ*, etiam in Imperio nostro, tamdiu habeat fundatam intentionem, usque dum adversarius, consuetudine vel statuto contrarium receptum esse, probaverit, prout ex *Ord. Cam. p. 1. tit. 13. pr. Recess. Imp. de an. 1654.*

¶ Benedens, 107. Ord. Jud. Imp. Aul. tit. 1. §. Und weilen circ. fin. Tit. ult. in fin. aliisq; Imperii Constitutionibus liquet, atque cum Tabor. de Alter. tant. p. 4. art. ult. docet Lauterbach. Conclus. For. Exerc. 1. concl. 1. Quamvis non distineatur, quod Ambitus quidem crimen in Germania nostra, exceptis moribus unius vel alterius loci, quibus nonnullorum officiorum venditio publica, bene an male, ex antea dictis constabit, permixta reperitur) hodiernum prohibeatur, hoc tamen Juramentum quoad Ambitum à promovendis non semper exigatur aut præstetur, sed solum de crimine Repetundarum vitando, prout ex fin. hujus Dissertationis constabit.

§. 3. Subjectum hujus Juramenti, & quibus illud imponitur, sunt quidem juxta verba nostræ l. ult. C. ad L. Jul. Repet. viri ad provincias regendas accedentes, sive Rectores Provinciarum, sed per extensionem omnes omnino, qui ad magistratum, potestatem, vel aliud officium, munus, ministerium &c. adipiscendum quid præstiterunt, aut in eo constituti quid acceperunt, quo contra officii sui religionem faciant, per l. 1. pr. l. 3. 4. 5. 6. §. ult. ff. ad L. Jul. Repetund. Verba nanique, quæ in d. l. 1. pr. ff. ad L. Jul. Repet. inveniuntur, generalia sunt, & extendunt verba specialia nostræ l. ult. ita, ut eorum nomine intelligi debeant non tantum prætores, præfides, eorumque assessores, quæstores, rationales, cognitores, judicesve pedanei, & municipales magistratus, sed etiam militares, imò & Senatores, qui vel per Ambitum ad dignitates istas aspirant, vel etiam in illis constituti pecuniam aliamve rem accipiunt, quo magis vel minus officio suo satisfaciant, quæ ratio est, quod Bald. ad d. l. ult. C. ad L. Jul. Repet. per viros ad provincias regendas accedentes intelligat omnes Officiales à Superioribus in quocunque Statu constitutos, sive is sit Monarchicus, sive Aristocraticus, sive Popularis. Rationes enim, crimen Ambitus & Repetundarum excludentes, generales sunt, pertinentes ad quemcunque Statum, ut adeo hoc Juramentum omnes Magistratus obliget, imo etiam Clericos. Tantum enim ab ambitu sepositus esse debet Clericus, ut quæri cogendus, rogatus recedere, invitatus fugere, & sola illi suffragari debeat necessitas excusandi, juxta essatum Imp. in l. 3. r. C. de Episcop. & Cler. qui textus confirmatus adeoque canonisatus reperitur in c. 9. caus. 8. q. 1. Unde Pontifex Symmachus decrevit: Nulli per ambitum ad Prælaturæ Ecclesiasticæ honorem accedere permittatur. Nam cum hic excessus in laicali conversatione culpetur,

petur, quis dubitat, quin religiosis & Deo servientibus injiciat vel inutiat opprobrium, in c. 114. c. 1. q. 1. Late per exempla Ambrosii, Gregorii & aliorum hoc deducunt *Asor. tom. 2. Inslit. Moral. lib. 3. c. 28. q. 2. & Barbof. de Episcop. Tit. 2. gloss. 1. n. 14. & seq.*

§. 4. Distinguendum tamen hic est, quoad Juramentum nostrum, circa crimen Ambitus inter personas offerentes & accipientes. Offerentes enim hoc juramentum coercet, sed non recipientes, quavis & hi, qui pretium & mercedem pro commendatione ad obtinendum officium publicum stipulantur, poenæ *L. Jul. de Ambitu obnoxii* reddantur, adeo, ut non solum stipulatio sit nulla & invalida, sed & insuper tam dans, aut promittens, quam accipiens arbitrarie puniendi sint, ut docent *Salicet. ad rubr. C. ad L. Jul. de Ambitu. Aegid. Bossi. in Pract. tit. de Ambit. Anton. Matth. de Crimin. ad lib. 48. Digest. tit. 11. c. 1. n. 4.* quorum sententia juvatur per *Nov. 8. c. 8. §. 1. in verbis* : Et probetur aut aurum dari, ut accipiat administrationem, aut accipiens ex administratione (utrumque enim similiter noxium est) &c. Equidem *Tabor. in Tr. de Suffrag. peric. 4. §. 18.* distinguit, an aulicus vel consiliarius suffragium ferat ac stipuletur in causis iustitiam concernentibus, an verò in causis Principum gratiam spectantibus, quam distinctionem digito quasi monstrat *Panorm. ad c. 11. §. de Fid. infrum.* ut priori casu, sicut ab omni suffragio, ita etiam à munere abstinere debeant, quia mandatis generaliter cautum est, ne vel Pro consul aut Præses, vel qui in officio est, donum munusque accipiat *L. 6. §. 3. de Offic. Procons. l. 18. de Offic. Præsid. & Arg. l. 1. C. Ut omnes jud. tam civ. quam mil.* Unde munera pro corruptelis sumi notat *Flacc. in Clav. voc. munus*, quomodo per allusionem *Giffi pro Habe* apud Germanos invaluisse videtur, quod dona æque ac venenum accipientes corrumpant & perdant. *Posteriori* verò licitum sit aulico cuivis pro recommendatione, ut desiderium ad officium publicum perveniendi apud Principem promoveat, suffragium stipulari, quod probat quoque *Tulden. ad tit. C. de Suffrag. n. 3.* cujus rei plures assignari possunt rationes, quas recenset *Myler. ab Ehrenbach Hyparchol. c. 7. tb. 30. & seq.* Verum quicquid etiam in favorem aulicorum, aliorumque officia publica ambientium, scribant alii, utrosque tamen poenæ *L. Jul. de Ambit. obnoxios* esse dicit *Myler. cu. cap. 7. tb. 31. & seq.* non tantum ob id. *Nov. 8. c. 8. §. 1. & Nov. 161. in præfat. & c. 2.* sed etiam ex cæratione, quod alias actum esset de Republ. & Civitatum gubernatione,

ne, si ad suffragia & recommendationes, pretio emtas, munera publica tribuerentur, hocque modo, illa mediante pecunia acquirendi, latus campus aperiretur. Optimo proinde consilio, juxta *Struo. in Crim. Dissert. 12. §. 7. ab Arcadio & Honorio in l. un. C. ad L. Jul. de Ambit.* constitutum est: Ne officialibus in aula praevalentibus grassandi copia detur, & fenestra ad nequitiam aperiatur, cassatus omnibus illis, quae per sacras literas impetrata erant &c. ut reliqua, quae *Myser.* hanc in rem accumulatur, argumenta brevitatis gratia praeiteremus.

§. 5. Res ipsa sive *Objectum*, de quo Juramentum hoc praestandum est, ex una parte sunt *Administrationes*, ut loquitur nostra *ult. ex altera vero parte sunt Crimina*, circa earundem acquisitionem & administrationem vitanda. *Administrationum* nomine quae veniant, ex haecenus dictis, ut opinamur, satis constabit, *officia* scilicet quaevis, tum ecclesiastica, tum etiam secularia, circa quae ambiens, eaque ob dona ac munera inique administrans, male versatur. Quamvis tum Ambitus crimen, tum etiam Juramentum ejus gratia receptum, circa beneficia Ecclesiastica ferme in desuetudinem abierit. Nam inter Romano-Catholicos ad Episcopatum nemo invitus amplius eligitur, sed curritur potius ad Ecclesiasticas curas, tanquam sine curis essent constitutae, quod jam olim *Petrarch. de Remed. utr. Fort.* improbavit: in Curia praeterea Romana pleraque beneficia certo modo venalia extant, ut ex *Taxa officiorum* typis vulgata satis liquet. Vid. *Offic. Vestr. lib. 1. Praef. Jud. Roman. c. 4.* Hinc duo libri *Taxarum* extant, quibus utitur Camera Apostolica, sive Curia Pontificis, à Joh. XXII. uti arbitrat *Gomez.* inventi, quorum primus mercedes Officialium expeditum literas Apostolicas taxat, secundus continet valorem beneficiorum, ex quibus *Annate* solvi debent, quae etiam communia muncupantur *Servitia in Concord. Nat. Germ. cap. 4.* quia solvuntur pro servitio Ecclesiae fructus primi anni ex Archiepiscopatibus, Episcopatibus atque Praelaturis immediate Pontifici subiectis, post novi Praelati electionem, atque vocantur *Annatae*, forte quasi *adnatae*, quod redditus hi Episcopatum aliorumque beneficiorum Pontifici in recognitionem supremae potestatis quasi agnoscantur, quippe qui juxta *cap. 6. de Praebend. in 6.* Ecclesiarum & beneficiorum Ecclesiasticorum plenariam dispositionem habet. Vid. *Wagnereck. ad Concord. Nat. German. d. cap. 4.* Qua occasione vero & quidem sat speciosa invaluerint, deducit

DN. PRAE-

DN. PRAESES in *Dissert. de Concord. Nit. German. cap. 2. num. 42.* Inter Proteſtantes, licet Ambitus quoad functiones Eccleſiaſticas æque ac ſeculares improbarus ſit, juramenti tamen hujus, vel plane nulla, vel non niſi pauciora occurrere aut extare putamus exempla.

§. 6. *Crimina*, per hoc Juramentum excludenda, ſunt quidem diverſa, ſed ſibi invicem qualiſubordinata, *Ambitus* ſcil. quem haud raro comitatur *Barattaria*, atque illicita munerum acceptio, ut in ambitum male erogata pejori modo rurfus ſuppleantur, & reſtituantur, quæ ratio eſt, quod ſub *Rubr. L. ſul. Repetund.* hoc noſtrum Juramentum propoſitum reperitur. De utroque in antecedentibus jam egimus. Salaria equidem ſine metu repetundarum dari & accipi poſſe, ipſum Juramentum noſtrum in verbis: *exceptis ſolatiis* &c. evincat, ſive ex fiſco aut ærario publico conſtituantur, ſive alio modo exſolvantur, hocque non ſolum Apoſtolus *1. Cor. 9. verſ. 9.* probat, ſed & monſtrat Pontifex in *c. charitatem. 85. cauſ. 12. quaſt. 2.* dum juſtum eſſe inquit, ut illi conſequantur ſtipendium, qui pro tempore ſuum commodare reperiuntur obſequium. At illa munera, quæ, extra ſalarium Judici à litigantibus offeruntur, omni jure reprobata ſunt, ſive per ſimplicem donationem, ſive etiam per remuneratorem aut aliam quamvis conventionem eidem accreſcant. Idem obtinet, ſi in ſpe lucri futuri conſiſtant. Subeſt enim hic eadem corruptionis ratio, quæ ex præſente pecunia alioquin oriri ſolet. Vid. *can. qui reſt. 66. cauſ. 11. qu. 3.* Neque etiam depoſito officio remunerationis cauſa aliquid à litigantibus accipere permiſſum erit, nec porro eum in tinnem, ut acceleretur judicium, & breviori proceſſu expediatur cauſa. *Menoch. de A. ſ. Q. lib. 2. cent. 4. caſ. 342. n. 26.* Judicis enim alioquin eſt, ut, quantum poſſit, lites abbreviet, ac citius decidat. Nec etiam domeſticis ſuis, ut à litigantibus munera accipiant, *L. 1. C. ad L. ſul. Repetund.* concedere; aut, ut ſimulato commendationis officio eventus ſententiæ litigatoribus qualiſi per indirecctum vendatur, permittere debet, de quibus atque pluribus aliis hujus prohibitionis ampliacionibus vid. *DD. paſſim, Menoch. cit. loc. Nover. Decian. Tract. Crim. lib. 8. cap. 45. § ſeq. V. uq. p. 2. lib. 1. Controv. c. 37. Boer. dec. 152. n. 2. Anton. Perez. in C. ad L. ſul. Repet. n. 4. Anton. Matth. de Crim. lib. 48. tit. 8. c. 1. n. 7. § ſeq.*

§. 7. Excipit quidem *Ulpian.* in *l. 6. §. 3. ff. de Off. Proconf. Xenia*, addito veteri proverbio: *Ὅν τιμα, ἐν τιμῇ, ἐν σῶματι*

πρόστιον, cum valde inhumanum sit, a nemine accipere, sed passim vilissimum, & omnia avarissimum, quæ Xenia tamen ad munerum qualitatem d. l. 6. §. 3. haud producenda esse censet. Quare Interpretes, qui accuratius loqui amant, distinguunt à se invicem dona, munera & Xenia, atque totam quæstionem Ulpiani in hanc summam contrahunt, quod Xenia ista non debeant produci ad munerum qualitatem, nec ut venalis fiat sententia. Sed licet esculententa videantur esse calcar solum expediendarum litium, & minuta gratitudinis symbola, rectius tamen faciunt illi, qui omnem omnino à judiciis arcere largitionem, sive ea in esculentis consistat, sive in aliis rebus, tum ut periculum corruptionis evitet judex, quæ etiam ex eduliis nasci potest, tum ut omnem suspicionem à se avertat, & scandalum aliis hac ratione darum impediatur. Nam l. 6. §. 3. de Off. Proc. quæ Xenia accipere non prohibet, loquitur vel de folis illis, quæ initio magistratus à provincialibus Praefidibus offeruntur, vel, si etiam durante officio xenia accipere permissum fuerit, non statim ad ea extendi potest, quæ intuitu judicii, quod exercetur, offeruntur. Hoc enim non dicit Ulpian, quod Xenia, dum judex est, à litigantibus accipere possit, quanquam forte ab aliis, & imprimis tempore adventus, dum nondum jurisdictionem exercere cœpit. Quod vero L. Jul. Repetund. per l. 1. in f. §. l. 7. §. 1. ff. ad L. Jul. Repet. l. 18. ff. de Off. Praefid. à quibusdam personis accipere permiserit esculentum & potulentum, quod intra tringinta dies proximos consumitur, id sane intelligendum est non de eo, quod Judici offertur, sed quod datur potius aliis Officialibus, ad quos etiam L. Jul. Repetund. extenditur, aut quod datur Judici, sed non à litigantibus, nec intuitu judicii. Judici enim, quâ tali, & propter actus judicarios omnis interdicta est acceptio, per d. l. 7. pr. ad L. Jul. Repetund. Vid. egregie bene explicans Dn. Ziegler. cit. Conclus. 20. §. 36. & seq. ubi tamen (1) excipit Annonas & Capitulationes. Annonæ dicebantur, vinum, oleum, carnes & similes res victui necessarîæ: Capitulationes pabula equorum, quas expensas victualis etiam Jus Canon. probat in c. 10. c. 11. de Vit. & bon. Cler. & c. 11. §. in super. de Rescript. in 6. ita, ut sub his non tantum itineris expensæ & viaticum, sed etiam sumptus, qui necessarij sunt, quam diu judex operam dat partibus, intelligantur, nec non (2) Sportulas, quæ judiciorum causa solvuntur, de quibus vid. Cujas. ad tit. C. de Sport.

§. 8. *Forma* hujus Juramenti in eo convenit cum aliis juramentis, quod debeat præstari per invocationem Divini Numinis, quâ inter gesta Candidati dignitatum & Officiorum testantur, se per administrationibus sortiendis neque dedisse quippiam, neque daturos unquam postmodum fore, sive per se, sive per interpositam personam, in fraudem legis sacramentique, aut venditionis, donationisve titulo, aut alio velamento cujuscunque contractus: & ob hoc (exceptis solis salariis) nihil penitus, tam in administratione positos, quàm post depositum officium, pro aliquo præstato beneficio tempore administrationis, quam gratuito meruerunt, accepturos, prout formula hujus juramenti in nostra l. ult. C. ad l. Jul. Repet. præscripta testatur. Sic ergo in hoc Juramento æque ac in aliis Deus invocatur, tanquam *vindex* & *ultor* mendacii & perfidiæ, consuetis formulis, peculiarem tamen proponit *Nox. s. in fin.* de quâ jam antea in C. 1. diximus. Essentialibus his accedunt varii ritus, erectio digitorum, vel tactus libri Evangeliorum, accensio candelarum, apertura januarum & fenestrarum, aliæque ceremoniæ, quæ tamen secundum locorum consuetudines variant, atque ad formam juramenti substantialem haud pertinent, cum Deus non ceremonias istas, sed cor respiciat, *arg. c. 12. caus. 22. qu. 5. Franzk. ad ff. tit. de Jur. jur. n. 17.* Quamvis ad juramentum corporale & solenne, ad quod etiam hoc nostrum refertur, si non omnes, potiores tamen sint necessariæ, sicut & illud, quod sub initio officii inter gesta, sive publice atque in judicio, præstari debeat. Est autem hoc nostrum Juramentum partim *promissorium*, partim etiam *purgatorium*. Et quidem *promissorium*, quatenus de corruptione vitanda concipitur, perinde ut aliud juramentum Judicis & Assessorum, de quo vid. l. 14. pr. & *Aurb. Hodie. C. de Jud. nec non Ord. Camer. p. 1. tit. 57.* promissorium, & quidem dicasticum, quod causas judiciales respicit, esse dicitur à *Lauterbach. de Jurament. ib. 46.* *Purgatorium* vero, quatenus Ambitum non commissum complectitur, etiam si jurans nulla diffamatione, quæ alioquin juramentum præcedere debet, gravatus sit, quod ipsi quoque juri Civili congruit, juxta *Auth. Nova jure. C. de Pan. Ind. nal. judic. ubi vid. Salicet.* qui tamen hoc speciale & ad alia non extendendum esse ducit. Consentit *Mev. ad Jus Lubec. lib. 1. tit. 1. art. 4. n. 11. §. 12.*

§. 9. *Effectus* nostri Juramenti multiplex est. *Primus* concernit obligationem erga Deum, quâ jurans ipsi obligatur ad enunciationis suæ veritatem & eandem, ut sc. quod ambitum non commissum

can-

candide veritatem dicat, quoad cætera capita verò promissum fideliter impleat, siq; juramentum sanctè & inviolabiliter servet. Vid. *Setser. lib. 1. de Juram. c. 25. n. 2. & seqq.* Unde oritur alter, ut inde magis securus reddatur Superior constituens, cui hoc juramentum præstatur. Etsi enim ex juramento, qua tali, & secundum ejus propriam naturam, ei, cui juramentum præstatur, nullum jus quæzatur, quo ab invito aliquid possit exigere, ut pluribus deducit *Dr. Lauterbach. in Tract. Synopt. de Juram. lib. 30. & seq.* securus tamen per juramentum proximus quivis reddi debet, ita quidem, ut si jurans vinculum ejus neglexerit, hujus perfidiz promeritas, & in jure determinatas penas luere debeat.

§. 10. Quamam verò pœna *Ambitus* pro diversitate temporum de jure Romano puniatur, ex l. un. §. 1. *Ult. ff. ad L. Jul. de Ambit.* nec non ex l. un. C. eod. *§. Nov. s. c. s.* sufficienter cognosci potest. Quomodo porro coërceatur crimen Repetundarum, pecuniaria sc. & extraordinaria pœna, itidem ex l. 1. *§. l. nostra ult. C. ad L. Jul. Repet.* nec non ex l. 7. §. 1. *ff. eod. l. 38. §. 10. de Pen. & dist. Nov. s. c. s. §. 1.* liquet, ex quibus textibus apparet, quod pœna quadrupli, in hac nostra lege præscripta, tanquam pecuniaria, graviozem atque criminalem non excludat, de quibus omnibus latius videri potest *Myler. ab Ehrenbach in Hyparchol. c. 14. per tot.* Quadruplum verò illud, in nostra l. ult. determinatum, inter actorem & fiscum dividendum esse, arg. l. 3. C. de *Affiss. & autoritate Gloss. in l. 1. C. ad L. Jul. Repet. Dd. communiter asserunt.* Vid. *Farin. Quest. Crim. 111. n. 63. Paris de Puteo de Syndic. in verb. Corruptens. vers. an si tempore. n. 2. Colleg. Arg. ad L. Jul. Repetund. n. 6.* nisi ex parte lassi & dantis propria turpido concurrat, tunc enim quadruplum Fisco applicandum est, ex mente *Gloss. in l. 1. C. ad L. Jul. Repet.* Sed enim hæc, quæ quadruplum concernunt, hodie usum vix habere videntur: siquidem utrumque delictum arbitraria ut plurimum & extraordinaria punitur pœna, quam concurrēns aggravat perjurii reatus. Etsi enim in perjurium de jure Romano nulla ordinaria constituta reperitur pœna, atque contempta religio Deum satis ultorem habeat, per l. 2. C. de *Reb. cred.* Vid. plurà huc facientia apud *Carpz. p. 1. Prax. Crim. q. 46. n. 3. & seq.* Extraordinariam tamen, interque eam infamiam, violatio fidei juramento firmatz promeretur, juxta l. 41. C. de *Transact. aliosq; textus.* Vid. *Struv. ad tit. ff. de Jurejur. lib. 55.* quæ hodie quam maxime invaluit, ut docet *Carpz. p. 1. Prax. Crim. q. 46. n. 43. & seq.* hæc q; si cum perjurio vel *Ambitus*, vel etiam *Repetun-*

tundarum crimen concurrat, pro ratione circumstantiarum auge-
tur. Certisiquidem juris est, quod, si plura ac diversa concurrant
delicta, quæ singula diversis poenis corporalibus ac civilibus puni-
untur, non nisi una, sufficiens tamen pro omnibus, imponenda sit,
prout pluribus deducit *Carpe. p. 3. Prax. Crim. q. 132. n. 67. § seq.* nec
non *n. 78. § seq.* Et quamvis regulariter Judex aut Officialis, du-
rante lite ac inquisitione super his fordibus, neq; ab administratione
suspendi, nec etiam removeri queat, ut per varia argumenta deducit
Myler. ab Eberbach cit. c. 14. tb. 17. § seq. hoc ipsum tamen limi-
tatur, nisi scandalum publicum concurrat, aut ex informationibus &
inquisitionibus jam de veritate commissi sceleris, quod ut plurimum
cum aliis poenis remotio comitatur, aliqualis fides appareat. Vid.
Dr. Garf. Marßill. dec. 188. n. 10. atq. Tuld. ad C. ad L. sul. Repet. n. ult.

§. 11. Inter varia ergo, quæ contra Ambitum & Corruptiones
Officialium recepta sunt, remedia, quibus etiam DD. ad Baratta-
riam vitandam suo modo accessent sufficiens ac condignum sala-
rium, inque eo à non paucis Superioribus peccari censent. Vid.
Guil. Anton. Frendeberg. de Rescript. morat. conclus. 67. n. 86. lit. l. l.
præcipuum fere est, si juramento Officialium clausula inseratur,
prohibens, ne per ambitum ad functiones adspirent, neve etiam
in eâ constituti quicquam pro administratione eorum, quæ officii
alioquin sunt, accipiant. Hæc clausula quidem quoad *posteriorem*
partem adhuc hodie in plerisque Officialium Juramentis conspicit-
ur, unde non solum in *Ord. Cam. p. 1. tit. 57.* in formula Juramenti,
Judici atque Assessoribus Cameralibus præscripta, sequentia inve-
niuntur verba: Auch von denen Partheyen / oder jemand anders
keiner Sachen halben / so in Gericht hanget / oder hängen würde /
keine Gabe / Geschenk / oder einigen Nutz / durch sich selbst / oder an-
dere / so das des Menschen Sinn erdencken möchten / zu nehmen oder
nehmen lassen. Vid. *Magenborß. ad Ord. Cam. cit. tit. 57.* ubi testatur,
se hoc juramentum bis, & quidem semel, ut ordinarium Assessorem,
deinde ut extraordinarium præstitisse; Sed etiam in Foro Sax. Jura-
mentis, à Præsidibus & Assessoribus Curiarum Provincialium nec
non Judicii Appellationis præstandis hæc inserta reperiuntur: Ich
schwöre &c. als auch der Churfürst zu Sachsen &c. &c. in &c. zu hagen
verordnet hat / daß ich daselbst zu Richter / nach meinen höchsten Ver-
ständnuß sprechen / thun / und handeln will / und das nicht lassen um
Liebe / Neid / Gabe / Freundschaft / noch keinerley Sache willen /
auch

auch darü'm von denen Parthejen insonderheit nichts nehmen / oder
 missentlich wartend seyn. Vid. die Ordn. des Churf. Sächsischen
 Ober-Hof-Gerichts zu Leipzig *de Anno 1549. sub rubr. Eyd des Hof-
 Richters und Besizers / nec non die Appellation-Ordnung sub rubr.
 Eyd des Präsidenten und Besizers.* In hunc quoq; finem Jure Lu-
 becensi provisum est, ut nemo Senatorum illius causæ nomine,
 quæ Civitatis libertates, justitiam, judicia & jus concernit, mune-
 ra accipiat, quo nomine singuli quotannis, quando officia Senatus
 translocauntur, juramenti vinculo constringantur. Vid. *Mev. ad Jus
 Lubec. lib. 1. tit. 1. art. 4. n. 10. & seq.*

§. 12. Quoad priorem verò clausulæ hujus partem diffitendum e-
 quidem non est rationem ejus in formulis *Juramentorum*, à Judicibus,
 Assessoribus, Magistratibus atq; Officialibus præstandorū, fierimen-
 tionem, adeoq; etiam in Juramentis, per *Ordinationem Camerae* atq;
Ordinationem Judicii Aulici præscriptis, omisam esse. Attamen quia
 Legum autoritas nequaquam evilescit tempore aut non usu. *Donell.
 lib. 1. Comm. c. 12. & Fabor de Alter. tant. p. 4. art. ult. tb. 11:* quod
 exemplo declarat *Brunnem. ad l. ult. ff. de Calumn. in simulq;* hoc Ju-
 ramentum inter cætera remedia contra corruptiones Magistratuum
 & Officialium introducta, per jam tradita, præcipuum fere est; Ea-
 propter quis, qui Judicem Magistratum aut Officialem consti-
 tuit, juramento sub auspicio, functionis præstando eandem & qui-
 dem hunc ob finem inferere potest, ut ab Ambitu magis abstineant
 promovendi, aut eum committentes promptius puniantur, sicque
 penæ etiam salutis timor conjungatur, juxta nostram *l. ult.* Non im-
 merito ergo, teste *Peres. ad tit. C. ad L. Jul. de Ambit. n. 7.* Hispania-
 rum Rex & Belgarum Princeps *Edicto de An. 1627.* sancivit, ut quisq;
 ante officii provisionem juraret, nemini se quippiam dedisse, aut
 promississe functionis impetrandæ gratia, eosq; perjuros reddidit,
 qui restrictionibus mentalibus vim & effectum Juramenti hujus
 eludere conati fuerunt.

Hæc de nostro Juramento, Exercitii Academici loco, sufficiant,
 supplenda pro Candore suo B. L. ipse adjiciat: Nobis siquidem hæc
 vice nil nisi brevitatis studio fuit, & tamen, ob amplitudinem mate-
 riæ, præter expectationem pagellæ nostræ excreverunt. DEO inter-
 im pro gratia, qua Nobis in hoc labore clementissime assiltere
 voluit, laudes perfolvimus subjunctissimas.

F I N I S.

Acri-

()

A Criter ingenij, SCHWARTZI, dum
 prælia misces,
 Dum cathedram scandis, the-
 mata docta docens;
 Et mentis produs longè clarissima
 dona,
 Et monstras multas sedulitatis
 opes.
 Lætus ego acclamo tantis conatibus:
 Euge!
 Optoque, ut in patria præmia
 digna feras.

SCHWARTZIO suo charissimo, cujus egregia
 Pietas, cordata Fides, atq; indefessus in Siu-
 diû labor Patronorum quam maxime prome-
 rentur favorem, cundem non solum cum Nu-
 minis Divini Gratia ineffabili, sed & felicis-
 simum ex Academiû ad Negotia forensia dû-
 cessum prolixo affectu apprecari:
 voluit

HENRICVS Lind / D.

Hæte-

Hactenus ingenuas didicisse fideliter artes
 Juv erat, & Studiis incubuisse sacris.
 Haftenus edocta est mens dogmata Juris &
 Aequi,

Nunc Studii docti dat documenta sui.
 Prælia docta moves, SCHWARTZI doctissime,
 Laurus

Certantem docte Palma, sacra manet.
 Palma venit meritis: Tu moxque vocabere
 Gentis

Et Decus, & Patriæ Gloria prima Tua.

Nobilissimo Eruditissimoq. DN. DISPUTATVRO,
 de egregia planeque insigni edecumata
 eruditionis Specimine, haud paulo plus
 quam fando exprimi potest, gratulaturi,
 inculto hoc & brevissimo versu, animo
 tamen plane, defæcato & prolixissimo,
 euge & belle laudatissimis ejus Conatibus
 acclamant

CONVICTORES.



VA 1 152,1691